

靈寶无量度人上品妙經卷之四十二

祈求嗣續慶延門闕品

道言昔於太始廣生天中紫霄洞歌大福樂
土受元始度人祈求嗣續慶延門闕妙品元
始天尊當說是經周迴十過以召十方始當
詣座天真大神上聖高尊妙行真人無鞅數
衆乘空而來香靄浮煙翔鸞隨蓋赤光前擲
瑤車轉雷繚彩霞綉葆千色洞煥太空七
日七夜諸天海嶽交碧揚霞日月星宿凝明
並照神風速襲玉岳露輝天翠高虛絳氣飄
衍一國地土山川林木鑑潔緬平仰矚毫髮
重影沓見萬象同規土成柔玉紺青一色衆
真侍座元始天尊玄坐空浮藻珠寶臺之上
說經一徧諸天大聖同時稱善是時一國男
女悟識生根說經二徧定觀本元不落苦趣
說經三徧咸知至道生育之宗說經四徧生
逢聖運為賢哲士說經五徧心行孝慈善於
養老說經六徧陰陽合德感化靈胎說經七
徧得至法門生道不終說經八徧雖有受生
不為愛慾持結淫想說經九徧曉解希微雌

雄混合理參洞玄說經十徧一切有情永延
嗣續慶流海宇福及幽明是時一國是男是
女莫不傾心皆受護度咸得長生

道言是時元始天尊說經一徧東方無極無
量品始生雲芽玄露大神無鞅之衆浮空而
至說經二徧南方無極無量品明性雲芽寶
華大神無鞅之衆浮空而至說經三徧西方
無極無量品大素雲芽感化大神無鞅之衆
浮空而至說經四徧北方無極無量品神水
雲芽定嬰大神無鞅之衆浮空而至說經五
徧東北無極無量品受識雲芽明智大神無
鞅之衆浮空而至說經六徧東南無極無量
品縷絡雲芽攝用大神無鞅之衆浮空而至
說經七徧西南無極無量品賢質雲芽主福
大神無鞅之衆浮空而至說經八徧西北無
極無量品陽運雲芽健育大神無鞅之衆浮
空而至說經九徧上方無極無量品碧莖雲
芽九宮大神無鞅之衆浮空而至說經十徧
下方無極無量品靈藏雲芽復命大神無鞅
之衆浮空而至十徧周竟十方無極天真玄

化大神一時同至一國男女傾心歸仰悉悟
道元傳立嗣續生化之基繼其本宗聯芳襲
慶其生無窮來者有如細雨密霧無鞅之衆
迨國一半土皆偏陷非可禁止元始大慈欲
使无量衆生明識造化之先至道之奧所以
妙極隱諱者為明雌一雄一之神偶而為又
混合百神徊煙散風化生真一即是人備至
秘之道雖飛僊列真未得道時皆以雲珠下
投金液玄妙感合生此靈胎神氣充備內顯
真身無動之體開演祈求嗣續慶延門闕之
法存念生根始由元氣元氣之精微細如織
粒於是懸一寶珠大如黍米在空玄之中去
地十丈元始登引天真大神上聖高尊妙行
真人十方無極至真雲芽生化玉嬰真子大
神無鞅數衆俱入寶珠之中天人仰看惟見
拂拂從珠口中入既入珠口不知所在國人
廓散地還平正無復歎陷元始即於寶珠之
內化舍蓮胎嬰之相說經都竟衆真監度以
授於我當此之時喜慶難言法事粗悉諸天
復位倏歎之間寂無遺響是時天人遇值經

法嗣續昌隆福慶來臻全其本年无有中傷
傾土歸仰成行善心行惠行和行弱行化行
悲行怒行儉行慈行定行仁言無唱宗口无
佞聲齊同慈愛異骨成親國安民豐欣樂太
平經始出教一國以道預有至心崇奉禮敬
皆得度世

道言元始天尊說經中所言並是諸天上帝
內名生神育嬰隱顯之音亦是真魔內諱混
化變胎以致嗣續慶延世系百靈之隱名也
非世之常辭開闡大法明道根元初從胎育
朱精白鉛和混萬過三一鼓舞玉髓哺靈流
珠啓明帝妃儻廣紫胞坵落天嬰挺生號曰
真一字曰精廷為形之主百神之尊固道元
命生道真身爾欲析求賢嗣門戶身榮使无
絕氣與道无邊惟已得道大聖能悉其章誦
之十過諸天遙唱萬帝設禮聖母破券司命
定生監魂益善福慶駢蕃群魔束形鬼精滅
爽回屍起死返胎更生至學之士誦之十過
則天后衛房三界唱恭天機上相往命得生
嗣續傳世慶延門闢濟度生厄絕而保完所

以爾者學士外濼世庵內臻化淵童君捧虎
女君奏瑣聲和神布妙諱乃傳道胎靈李嬰
息自然召制十方保鍊胎僊克降嘉嗣無有
天殤輕誦此章身則被殃供養尊禮門闢慶
延世世昌熾與善因緣萬災不干神明護門
斯經尊妙獨步玉京度人无量為生道之宗
巍巍大範德難可勝

道言凡誦是經十過諸天齊到為爾開呈生
錄降嗣繼賢永大僊宗億曾萬祖幽魂苦爽
皆即受度上昇朱宮格皆九年受化更生得
為貴人而好學至經功滿德就嗣孫應僊葉
葉受道門闢慶延皆得飛昇金闕遊宴玉京
也上學之士修誦是經為諸生民祈求嗣續
使生道不絕民獲有後祭祀祖玄陰德垂裕
皆即受度飛昇南宮世人受誦宵系錦昌則
延壽長年後皆得作尸解之道魂神普滅不
經地獄即得返形遊行太空此經微妙普度
无窮一切天人莫不受慶无量之福生死蒙
惠上天所寶不傳下世至士齋金寶效心盟
天而傳輕泄漏慢殃及九祖長役冥官侍經

五帝玉童玉女各二十四人管衛神文保護
受經者身
道言正月長齋誦詠是經析求嗣續慶延門
闕感神真風火之君傳降台光使命得生智
識明秀人中之英拔度上世亡鬼斷地速役
升上南宮七月長齋誦詠是經析求嗣續慶
延門闕感金真黃室之氣傳降幽精使形得
備宮室內固百神入胎身得神僊諸天書名
黃籙白簡削死上生十月長齋誦詠是經析
求嗣續慶延門闕感太玄真一之精傳降

靈使性徹家漢慈通九冥懸知吉先與化同
營為國王帝主析請聖嗣瓊華萬芳百靈稱
慶普天蒙福安鎮國祚保天長存世世不絕
常為人君安鎮其方民稱太平八節之日誦
詠是經為諸絕嗣衆生降致道氣咸使有子
克基其家得為九官真人本命之日誦詠是
經三元返嬰白珠凝神道父道母長守泥丸
司命定籍伯華益年魂神澄正萬氣長存不
經苦惱身有光明三界侍衛五帝司迎萬神
朝禮名書上天功滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐五色雲氣之中
內外箭冥有青龍白虎朱雀玄武獅子白
鶴羅列左右日月照明洞煥室內項生圓

象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人闕啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前

引炁三十二過東向誦經

元始无量度人上品妙經

元始洞玄靈寶本章祈嗣慶門生化度人雌
雄陽韻混合自然空生三氣氣變赤文元始
祖劫化生諸天對明雙景是起天根傳氣立
祖法道為身五文開廓五臟栖神上有天闕

虛通群僊經絡血脉是為至靈威制萬類身
備天經傳孕嗣續紹祖列孫析求勝氣貴慶
來庭胞胎受真羅列交纏碧縷貫瞳綠縷為
筋定為德宗應登高玄體有朱誌舌有錦文
三萬六千神符繞身永輔帝化飛昇玉宸下

建民物皆著玄文流布大梵身中之天頭為
蕭臺腦為玉山委曲九回宮室相連前有明
堂赤鑑三君後有玄堂九祖七玄注記嗣續
保慶家門元辰簡奏天馬驛傳定子注孫繼
續本先方寸虛盈列坐高真紫衣絳裳狀如
天嬰節會谿谷皆為玉京百神會身

大有妙庭金闕玉房森羅淨靈大行梵氣周
迴十方中有度人不死之神中有南極感降
嗣續長生之君中有度世司馬大神中有好
生韓君丈人中有南上司命司錄延壽益算

度厄尊神迴馱起死无量度人今日校錄諸
天臨軒

東方无極飛天主福神王長生大聖无量度人
南方无極飛天定生神王長生大聖无量度人
西方无極飛天注嗣神王長生大聖无量度人

北方无極飛天錫慶神王長生大聖无量度人
東北无極飛天益算神王長生大聖无量度人
東南无極飛天增品神王長生大聖无量度人
西南无極飛天送生神王長生大聖无量度人
西北无極飛天度厄神王長生大聖无量度人

上方无極飛天進德神王長生大聖无量度人
下方无極飛天輔聖神王長生大聖无量度人
十方至真飛天降慶神王長生度世无量大
神並乘輕霄流翰翠霞瓊輦星車羽蓋綺仗
風輪驂駕碧鳳神虎蒼龍建萬華之節天駟
靈幡前嘯九靈齊唱後吹八濤同鳴獅子飛

天嘯歌嘯囉五老啓途群仙翼轅億乘萬騎
浮空而來傾光回駕降嬰度生南昌上宰天
機丞相金闕侍郎大玄司命紫靈僊君韓司
主錄監生大神執籙把籍齊到帝前隨所祈

應生息蕃滋計考命祿嚴校諸天普告三界
无極神鄉象曲之府北都羅鄴三官九府十
二河源欲致貴勝嗣續綿綿上解祖考億劫
種親疾除罪薄落滅惡根不得拘留逼合鬼
群元始符命時刻升遷北都寒池部衛形魂

制魔保舉度品南宮死魂受鍊化成人身
身受度劫劫長存隨劫輪轉與天齊年永度
三途五苦八難超凌三界逍遙上清上清之
天天帝洞曜無色之境梵行

東方八天

十華招慶天	帝洞覺好生
勝宗益賢天	帝定世茂玄
深明鍊光天	帝陸明尚英
龍種玉嬰天	帝觀福廣營
祖極承圖天	帝妙無常生
化樞運陽天	帝肖真元昆
歷符應白天	帝果都秘空
傳福佑生天	帝納液合煙
南方八天	
光動降識天	帝知無垠
辨息理明天	帝務廷宗
康回遼澤天	帝順子榮
傳機宗道天	帝情何靈
孝始慶初天	帝始育上求
素開皓都天	帝玉蘭齊瑰

繪微延霞天

帝寂僊自盈

盟系霄豐天

帝屹多裔暉

西方八天

帝伯雲郁羅

景折報慶天

帝真交命神

辨華婁欲天

帝兆先社包

冥絨密陽天

帝乘氣赴儀

溫醴濯支天

帝握符通

敦道亨成天

帝力孟成

窈洞遶甫天

帝鹿本太王

日灌彩裔天

帝靜廷定明

九華合露天

帝孕成同周

北方八天

帝零持野舒

冥婁總靈天

帝變螟神

料度正緒天

帝霞津聰

積曜部俞天

帝窮宅報恩

網需第容天

帝管師通寧

淨變卵珠天

帝揚嘉神英

述其祀常天

帝醜並福完

然抱蘊和天

帝醜並福完

鬱華九微天

帝醜並福完

三十二天三十二帝諸天隱諱生化之機諸
天隱名有嬰微稱和陽合陰繼世嗣民神出
空洞芒芽白苗自然靈章上其隱名召氣之
音帝一胎專結節之靈上隸其魔育嬰之僊
九陽和其十陰合神命嗣榮耀門闕慶延无
量之奧深不可詳數落神其普度天人今日
告祈受度歷關諸天請滅胎注斬絕邪祇誕
子无殤命通太玄司命監舉无拘生門東斗
稟氣西斗鐘形北斗降魄南斗賜魂中斗內
主泥丸專神七寶宮室總備分明神氣衝溢
總監泉靈青帝護魂白帝侍魄赤帝養氣黑
帝通血黃帝中主萬神无越青天魔王怒役
威明赤天魔王變遷守真白天魔王憤擊虛
成黑天魔王車數玄冥黃天魔王持犯互爭
五帝大魔萬神之宗飛行鼓從總領鬼兵魔
幢鼓節遊行太空恍惚无常下入身中潛伏
六根時巡九宮自頂達踵无不停容兆祈嗣
續願生天童淨蕩胎穢嚴攝北鄰神王受命
普掃不祥玉女抱黃縷襦金璫聖母護生福
慶堂堂都吏甲馬撈捕災殃神吏甲馬新付

天網擲火萬里流鈴八衝敢有厭魅拒過胎
 嬰金鉞前戮巨天後刑屠割鬼爽風火无停
 千千截首萬萬剪形魔无干犯鬼无扶精三
 官北豔明檢鬼營不得容隱金馬驛呈普告
 无窮萬神咸聽三界五帝列言上清无造開
 始龍漢延康體同人胎混沌相包眼為日月
 頭為崑崙眉為華蓋髮為山林腸胃江海呼
 吸風雲聲為雷霆出初光明眇眇德劫其氣
 潭淪上无復色下无復淵風澤洞虛金剛乘
 天天生地育外護百關金氣堅剛質驪姿頑
 立劫之初无幽无冥无影无極无窮溟
 滓大梵遼廓无光赤明開圓運度自然元始
 安鎮數落五篇赤書玉字八威龍文保制劫
 運使天長存爾將降胎百神内存太一幽寥
 來遇又寧玉真徹視華華流芳紫脉降絡曲
 折靈文腦膜丹縷自然流雲固攝命根使命
 長生梵氣彌羅萬範開張元網流演三十二
 天輪轉无色周迴十方旋斗歷箕回度五常
 三十五分總氣上元八景冥合氣入玄玄玄
 中太皇上帝高真泛景太霞嘯詠洞章金真

明都流響雲營玉音攝氣靈風聚煙紫虛鬱
 秀輔翼萬仙析求嗣續維先承門風迴煙繞
 紫虛梵胞千和萬合自然成嬰嬰真有神長
 生大君太乙主生司命紀年桃康合體遺精
 丹田執符把籙保命生根上遊上清出入華
 房八冥之內細微之中永鎮人身泥丸絳宮
 中理五氣混合百神十轉迴靈萬氣齊仙
 道實生无量度人上開化源生如飛輪罪福
 禁戒宿命因緣普受開度死魂生身身得受
 生上聞諸天諸天之上各有生門中有空洞
 誦歌之章真王靈篇辭參高真

第一欲界祈嗣迎慶之音

人道維何 子孫是佑 祖幹孫枝
 英房實茂 世當綿派 淵宵遠久
 積德賜賢嗣 上帝垂慶延 稔惡斷爾續
 衰蕭淪重泉 帝心本無私 福報為善緣
 生民寡嗣孫 黑蘇在三天 悔過祈至真
 首罪露誠丹 司命赦刑籍 玉女抱真還
 為爾千年後 積善廣真源 金車登紫庭
 慶積若丘山

第二監生定嬰之章

真一玄一 合為天精 飛露隨珠
 受胎為人 和氣肇元 形模乃全
 精延入勝 知而能言 識明真妙
 文武經綸 為帝為王 為牧為臣
 祖基為先 嗣承厥後 生道不泯
 長生妙有 積德垂代 慶系无垠
 念道思真 至聖无親 爰有簡籙
 福慧生民 民亦何知 謂天无神
 殺盜貪真 恣兆所行 不知絕緒
 禍速爾身 天官執筆 注其善功
 百子千孫 祿食萬鍾 兆能祈願
 醜禮僂公 監生送魂 九老降容
 使兆世其家 生氣永不終 故知道妙本
 太陰飛千龍

第三玉帝聖子歌曰

金闕絳霄 飛龍繞嶽 碧土紫房
 洞清家廓 帝有八子 聖智神通
 長生大君 赤日曠曠 青華象桑
 三天列封 蓬萊億王 制命萬靈

神璽玉策 翠袍羽巾 是皆上靈

聖胃洪敷 况爾下民 貴繼其先

祀祖真宗 慶延其門 明不仰至教

奏章敷玉文 召氣得賢正 析為聖君臣

道常愛生化 連連無斷倫 陰陽合太和

剛風乘其身

此三界之上飛空之中真王歌音音參洞章

誦之百徧道氣充盈誦之千徧群僊監臨萬

徧道備感激神靈生端潔士為世賢人進道

功業舉形上昇有聞靈音百神衛形勅制地

祇出入送迎拔出地戶五苦八難七祖昇還

永離鬼官魂度朱陵受鍊更生是謂无量普

度无窮有秘上天文諸天共所崇泄慢墮地

獄禍及七祖翁

道言此二章並是請天上帝及至靈真王天

機上宰垂系生民注定嗣續不斷孽育流通

化源使生幾无盡自外得者後裔孫條孫枝

擁茂自內得者雌雄神遇下接氣泉感生玉

嬰稟受真正宵顏同體紹立僊宗身得神僊

分形萬億幽栖方寸神徧十方隱秘之音皆

是大梵之言非世上常辭言无韻麗曲无華

宛故謂玄奧難可尋詳上天所寶秘於神霄

王清上官運當下傳垂教乃宜若有至人齋

金寶質心依舊格告盟十天然後而付焉

道言夫善信之士嗣子未立先宵不繼門闕

萎落或屢生女男天殤不成纒及幼穉便即

淪沒凡有此災同氣皆當奏詞投款祈懇上

真齊心修齋六時行香十徧轉經福德立降

嗣息生成慶延積世消諸不祥无量之文普

度无窮

道言夫末學道淺或福業未充祈求嗣續雖

得生已未至成人多被天害同學至人為其

行香誦經十過以度天殤如法魂神徑上南

宮隨其善功復得更生為爾賢德之男慶延

門第輪轉不滅便得神僊

道言夫生民不知无後為大定信此身滅已

緣盡未明大道以生氣无終世世不絕為本

九玄七祖近世祖考廢泯時祀犯禁彌甚或

年齒既大嗣續未立既常誕育不遂婚宦或

生輒愚魯慧靈不開偶得成人不循四業所

習凡下速遊无方貽親憂憤弱稚繁疾治療

无痊皆是父母先世殃注訟呼所延悉當行

香誦經祈求天司以招福慶夫齋戒誦經功

德甚重上為人君祈嗣蕃衍下為兆庶延續

家門生死受賴其福難勝故曰无量普度天

人

道言凡有是經能為帝主兆民行是功德祈

求之日發心修齋燒香誦經十過皆諸天記

名萬神侍衛右別至人刻得為聖君金闕之

臣諸天記人功過毫分无失天中真主亦保

舉爾身得道者乃當洞明至言也

諸天中大梵隱語无量音 道君撰

元始靈書中篇

東方八天

綠應昭符 黎學道錄 熙南允封

契天合魚 英冕奕夕 蒼素疑濡

神灑誠布 律詔大魁 鑿蹟匪回

斬永壽言 帝澤實有 霄飛憲冥

道大真龍 襟度沛度 安社變獸

案勝廣定

南方八天

綺命斗包	子選成高	天籍司枚
福漆致嚴	奚盧忻恚	閱空辭彬
洞成幽計	瑰罔筵頤	耐陣驗縛
鬼首樵肥	鄒靈胥頤	辨烟牛尼
嶽驅機相	玄省都微	曜強注生
監玄仰淵		
西方八天	坤足邀明	遙魔牙堅
紀景靈定	洞洪寥濱	元圖隱哥
武箕莫魔	丘騎跋還	縣稟列膜
澤奕肆宗	支務海洛	宜勤棟般
億健由灘	歌淇徧密	士浸符角
香浦翹校		
秋火戈山		
北方八天	支溪迺燕	歷真禹周
鄭程宵都	勿落盤濯	神鳳著審
氏室傳俞	謹命獸序	依攸憫遷
槎皇卷鋤	雲亮披瀟	孟阿邪何
覺稠倣僂	秘邀道琪	神曹把筵
龜華異邊		

僊碧露芝

道言此諸天中大梵隱語元量之音舊文字皆廣長一文司命大禁南宮上宰監生大神以鸞羽紫腫之絃書於絳臺瓊房金牖之上以為正音大定生息道氣襲隆秘諱之要侍

文玉童玉女各六千人俠以寶華覆以龍巾有知其音能齋而誦之者諸天皆遣飛天神王下觀其身書其功勤上奏諸天嗣續貴壽慶延門闕大勳僊曹保舉上真道備剋得遊行三界昇入金門此音无所不辟无所不穰

无所不度无所不成天真自然之音也故誦之致飛天下觀上帝遙唱萬神惠澤三界普聞群林東首鬼精自亡琳琅振響十方肅清河海靜默山嶽吞煙萬靈振伏招集群僊天无氛穢地无杖塵冥慧洞清大量玄玄也

元始无量度人上品妙經卷之四十二

靈寶无量度人上品妙經卷之四十三

保胎護命品

道言昔於始青天中碧落空歌大浮黎土受元始度人保胎護命妙品元始天尊當說是經周迴十過以召十方始當詣座天真大神上聖高尊妙行真人保胎護命三元六甲大神无鞅數衆步景而來飛雲流軒延霄紫輿翠輦金車彩蓋深覆洞清凝光三色煥麗映徹空玄十日十夜諸天寶苑鬱京壙臺庭闕浮積魏構萬壘靈網神芒停瑛駐耀海雲呈瑞山嶽徊煙遠達浩香近連陔壁雲輝鼓華僊澤飄曳觸衣聞香皆獲上道一國地土山川林木碧蒙綿密蘭風靜注委霞繞落道聲夷由无量天仙稱歎希有衆真侍座元始天尊玄坐空浮一千二百天宮萬龍糾揭明蕪繁珠大寶玉座之上說經一徧諸天聖母同時稱善是時一國僊妃神女憶悟往因見道本元信知天地未生元氣肇始精神吸粹陰陽定胎九十億劫三氣混淪九十大劫三華始分五老保胎三元育魂七竅洞張大塊乃